

Mweiñan eo an Rālepen Jabōt

kweiļok eo eļap

Al ko Rejjab Maroñ Al kaki

apañ

tōmak

karōk in lōmqor

kweiļok eo eļap

Al ko Rejjab Maroñ Al kaki

Jen Elder Quentin L. Cook

Jen Doulul eo an Joñoulruo Rijilōk ro

Ilo ad jab jeļā kōn aolep uwaak ko, jejeļā pedped ko raorōk me ekōmman bwe jen aolep jeļmae jorrāan ko kōn tōmak im leke.

Elōñ armej rej jeļmae jorrāan ko reļlap ak jerata ko reļlap ilo iaļan mour wabanban in. Aolepen peļaaakin laļ in jej loe waanjoñak in mālijoñ ko im eñtaan ko.¹ Jej emmakūt ilo ad kōn pija ko ilo tipi kōn mej, eñtaan eļlap, im ebbwer. Jej lo an RiJapan ro apañ eļap ilo peran ñae jorrāan eo eļap jān juon makūtūt in laļ im ño eļlap. Pija ko rekaamijak jān kakkure eo an World Trade Center tower ko, ko rej kab mōj ļok ad kar etali, raar lukkuun kemettak ñan bar eñjake. Juon men ej kallowetake kōj ñe jej jeļā kōn kain jorrāan rōt in, eļap tata ñe ro ejjeļok ruwier raar eñtaan.

Jet iien jorrāan ko reļlap rej an lukkuun juon make. Juon ļaddik ak leddik ej mej wōt ke ej dik wōt ak jelete jān juon nañinmej eļap kōkkure. Mour an juon jinen ak jemen eo emman kar bōke jān juon jerwaan in kōmman ak jirilok. Jabdewōt jorrāan eļlap ej waļok, jej būromōj im kajioñ in ineen an doon eddo.² Jej liājļōļ kōn men ko me jamin naaj tōpari im al ko me jamin naaj al kaki.

Ilubwiljin kajjitōk ko me ekkā an armej kajjitōkin ritōl ro an Kabuñ in rej Etke juon Anij ejimwe emaroñ kōtlok men ko renana bwe ren waļok, eļaptata ñan ro rōmman? Etke ro me rejimwe im ilo jermal in jipañ eo an Irooj jab pojak jān kain jorrāan eļlap kein?

Ilo ad jab jeļā aolep uwaak ko, jejeļā pedped ko raorōk me rej kōtlok kōj ñan jeļmae jorrāan eļlap ko kōn tōmak im leke bwe ewōr juon kōjatdikdik ñan ilju im jekļaj eo emōj karōke ñan kōj kajjojo. Jet iaan pedped ko raorōk rej:

Muktata, ewōr juon Jemed ilo Lañ, eo ejeļā im ej iakwe kōj kajjojo im eweppān an meļeļe kōn ad eñtaan.

Ruo, Nejin, Jisōs Kraist, ej ad Rilomqor im Ripinmuur, eo Pinmuur eo an ejjab letok wōt ñan lomqor im mour ippān Anij bōtaab naaj barāinwōt ña wōñāan aolep men ko rein juon an mour.

Jilu, karōk in mōñōñō eo an Jemed ñan ajri ro Nejin ekoba ejjab wōt mour eo mōkta im mour in bōtaab barāinwōt juon mour indeeo, ekoba juon bar ippān doon eo eļap im aiboojoj ippān ro raar mej jān kōj. Aolep bōd ko naaj kajimwi, im jenaaj lo kōn alikkar eweppān im erreimaanlok ilo ejjeļok bōd im meļeļe.

Jān erreimaanlok eo ejabwe an ro me ejjeļok aer jeļāļokjeñ, meļeļe, ak tōmak ilo karōk eo an Jemād—eo ej lale laļ in kōn wōt lale ļok eo an mour in kōn tariņae ko an, kakkure, nañinmej, im nana—mour in emaroñ āinwōt kabūromōjmōj, kaipokpok, kalijōk ļok, im ejjeļok meļeļe in. Ritōl ro an Kabuñ in rekar keidi erreimaanlok in ippān juon eo ej deļōñ ļok ilo lukōļpen juon ikkure jilu mweīnan ko.³ Ro ejjeļok jeļāļokjeñ kōn karōk eo an Jemād rejjab meļeļe ta eo eaar waļok ilo mōttan eo imaan, eo mour eo mōkta, im kōttōpar ko kar ejaaki ijo; ak rejjab meļeļe alikkar eo im keañ eo me ej itok ilo mōttan eo kein kajilu, eo ej aiboojoj in kūrmoool eo an karōk eo an Jemād.

Elōñ rejjab kaṃoolol bwe kōn iakwe eo An im karōk, eo elikieo ñan ro me ej waļok ñan nana eo kōn jab lo aer bōd kōn jermal eo aer make me rejjab eliktata kaje ie.⁴

Ilo jejjo āllōñ ko enaaj 100 iiō jān ke jorrāan ļapļap in tūmlaļ ļok eo an *Titanic* waan pajinjea eo. Jorrāan eo an jekjek eo ipeļaaikin jorrāan in enana eaar ļap an jelet armej ro iumwin buki iiō ko jān ke eaar waļok. Rikarelel ro an waan bajinjea eo ekāāl, eo eaar 11 an po utiejen im enaān 3 jikin ikkure football aitokan,⁵ eaar kōmman ennaan ko reļlap im jab po lel kōn emman eo an *Titanic* ilo dān ko ilo iien mōļo ewōr iceberg ko ie. Timā in eaar āinwōt ban douj; aaket ke eaar tūmlaļ ļok iumwin Lomaļo in Atlantic eo eaiij, elōñ ļok jān 1,500 armej ro raar mej jān mour in.⁶

Ilo elōn wāween ko kōn rūm̄lok eo an *Titanic* ej juon mejele nān mour in im elōn pedped ko an kojpele eo. Ej juon waanjoṅak em̄man an men eo epen an lale loḳ ilo māj ko wōt an mour in. An armej mej eaar nana ilo tōprak ko an bōtaab eaar jān juon jorrān ejidimkij ilo nemāmein. Kōn eḷap mej an ruo pata an laḷin im an baj m̄oj an kar eḷḷā 10 iiō in jorrān eo eḷap an World Trade Center tower ko, em̄oj ad lo ilo tōren mour in ad make kōn juon mejān loḳjeṅ ad, metak, im unin kōnono ko an mour ilo aolepen maḳūtkūt ko itok wōt jān jermal nana an anemkwoj. Ewōr men ko rewaḷok nān baamle, ro m̄ottad, im laḷ ko āinwōt juon tōprak in jorrān ḷapḷap kein, jekdoḳon ta eo waḷok jāne.

Ikkijien *Titanic*, katak ko kar katakin kōn kauwōtata ko an utiej bōro im ito itak ilo dān ko renana im “bwe Anij e jab loṅṅak kōn okōtan armej.”⁷ Ro kar bōk kuṅaer raar jān jabdewōt jekjek in mour. Jet raar m̄weie im buṅbuṅ, āinwōt John Jacob Astor; bōtaab eaar wōr barāinwōt rijermal ro, rilikin ro, kōrā, ajri, im membōr in kumi in wa.⁸

Eaar wōr emaroṅ kar ruo Armej ro Rekwojarjar ilo Raan-ko Āliktata ilo *Titanic* eo. Erro jimor kar kwaḷok idajoṅjoṅ eo ad ilo mejele mālijoṅ ko, nana ko, im jorrān ko reḷḷap im kar letok loṅṅak āinwōt nān ekōjkan ad maroṅ jermal. Eo moḳtata ej juon waanjoṅak kōn kaṅoolol kōn kōjeramman ko jej būki im apaṅ ko jej kowaani. E jelōt Alma Sonne, eo tok ālik eaar jermal āinwōt juon Rutiej an Kabuṅ in.⁹ Eaar stake būreejtōn eo aō ke Iaar loṅak ilo Logan, Utah. Iaar intōrpiu ippān moḳta jān mijen eo aō ippān Elder Sonne. Ilo tōre ko aolep ro rūpojak in mijenede raar intōrpiu jān juon Rutiej an Kabuṅ in. E ar juon jelōt eḷap ilo mour eo aō.

Ke Alma eaar juon likao wōt, eaar wōr juon m̄ottan eo kar etan Fred ekar janiknik ilo Kabuṅ in. Eaar wōr aer bwebwenato ko rellōn kōn jerbale juon mijen, im āliktata Alma Sonne eaar kareel Fred nān kōppopo im jermal. Raar jimor kūr nān British Mission. Ilo jemlokin mijen ko aer, Elder Sonne, rijeje eo an mijen eo, kar kōmman karōk ko nān aer jepḷaak nān United States. Eaar wia tikōt nān iuwe ioon *Titanic* nān e make, Fred, im bar emen mijenede ro ro raar barāinwōt dedeḷok mijen ko aer.¹⁰

Ke eaar jikrōk tok iien em̄makūt eo, kōn jet un ko Fred eaar rum̄ij loḳ. Elder Sonne eaar kāānjeḷi tikōt ko eaar wiaiki ilo waan bajinjea eo ekāāl ioon wa eo kein kajuon im kar wia tikōt nān wa eo me eaar jerak raan eo juon.¹¹ Mijenede ro emen, me raar lukkuun lem̄oṅoṅo nān iuwe ioon *Titanic*, eo raar kwaḷok aer ellotaan. Uwaak eo an Elder Sonne eaar āinloḳ wōt bwebwenato eo an Joseph im loṅmaro jein ilo Egypt kar je ilo Jenesis: “Ekōjkan ad maroṅ bar roḳol nān ippān baamle ko ad im eḷānne ḷaddik eo ej jab pād ippād?”¹² Eaar kōmejeleik nān ro m̄ottan bwe er aolep raar etal nān England ippān doon im rej aikuj aolep jepḷaak nān ijo jikier ippān doon. Tok ālik Elder Sonne eaar jeḷā kōn rūm̄lok eo an *Titanic* im eaar lukkuun kaṅoolol ilo an kar ba nān Fred eo m̄ottan, “Kwar loṅmoḳren mour eo aō.” Fred eaar uwaak, “Jaab, jān am kar kōmman bwe in pād ilo mijen in, kwar loṅmoḳren mour e aō.”¹³ Aolep mijenede ro raar kaṅoolol Irooj kōn kejarok er.¹⁴

Jet iien, āinwōt kar wāween in ippān Elder Sonne im mijenede ro mōttan, kōjeramṃan ko reḷḷap rej itok nān ro rej tiljek. Jej aikuj in kaṃoolol kōn tiriaṃo kake ko aolep me rej itok nān mour ko ad.¹⁵ Jej jab jeḷā kōn elōn kōjeramṃan ko me jej būki jān raan nān raan. Elukkuun aorōk bwe en wōr juon jetōb in kamoolool ilo būruwōd.¹⁶

Jeje ko Rekwojarjar ralikkar: ro rej mour jimwe, ḷoor Rilomṃor eo, im kōjparok kien ko An naaj jeramṃan ilo āne eo.¹⁷ Juon men eorōk an wōrḷok ej bōk Jetōb ilo mour ko ad.

Ijoke, jimwe, jar, im tiljek rejjamin iien otemjej waḷok ilo jemḷokin mōṃōṃō ilo mour in. Elōn renaaj ioon mālijoṃ ko reḷḷap. Nē menin ej waḷok jermal eo imaan tata an wōr tōmak im pukōt kōjeramṃan ko an priesthood ej kōmālim jān Anij. Irooj eaar kwaḷok bwe elder ro rej aikuj kūr im rej aikuj jar nān im likūt peier ioer ilo Etan; im eḷāñne rej mej renaaj mej nān E, im eḷāñne renaaj mour renaaj mour nān E.¹⁸

Ej kōmeḷeḷe eo me eo kein karuo in Armej ro Rekwojarjar ilo Raan-ko Āliktata ewōr ḷok an ippān *Titanic* eaar jab bōk juon jemḷok emōṃōṃō ilo mour in. Irene Corbett ekar 30 iiō dettan. Liin eaar juon lio pālele edik im maṃa jān Provo, Utah. Liin eaar wōr an tōḷan ko reḷḷap āinwōt juon rikkōṃ al in rial; liin eaar barāinwōt juon rūkaki im juon nurse. Kōn aikuj eo eḷap ikkijien taktō ro retijemḷok ilo Provo, liin eaar pād ilo juon kūlaj jiljino-allōn ikkijien kapeel ko an midwife ilo London. Eaar an ikirelel nān kōmṃan oktak ilo laḷ in. Liin eaar kea, ḷōmṃak, jar, im peran. Juon iaan un ko eaar kālōt *Titanic* nān jepḷaak nān United States eaar kōnke eaar lōmṃak mijenede ro renaaj kar iuwe ippān im bwe menin enaaj kar bar leḷok eḷapḷok ineemṃan. Irene eaar juon iaan kōrā ro me eaar jab mour jān jorrān in eḷap an enana. Elōn iaan kōrā im ajri ro raar likūt er ilo ḷoon in ḷomṃor ko im kar ḷomṃoren er. Eaar jab bwe ḷoon in ḷomṃor ko nān aolep. Bōtaab kar tōmak bwe liin eaar jab pād ilo ḷoon in ḷomṃor ko kōnke, kōn kaminene eo an, liin eaar lale aikuj ko an elōn bajinjea ko me raar jorrān jān itaak eo ilo iceberg eo.¹⁹

Elōn kain apañ ko. Jet rej letok nān kōj eñjaak ko remenin aikuj. Tōprak ko rekemetak ilo mour in rejjab kein kaṃool kōn dik tōmak ak kōn juon likjab ilo aolepen karōk eo an Jemed Ilañ. Kijek eo an rikarreo māal eo ej mool, im emṃan ko an mṃwil im jimwe me rej ḷap ḷok ilo eñtaan im karreoik kōj im kōpooj kōj nān ioon Anij.

Ke Rikanaan Joseph Smith eaar juon rikalbuuj ilo Liberty Jail, Irooj eaar kwaḷok nān e kōn lapḷok in jorrān ko naaj waḷok nān armej. Rilomṃor eaar ba jimettan in bwe eḷāñne Joseph kar joḷok ilo mṃwilaḷ; eḷāñne ibeeb ekajoor an ḷōmṃak nana ṃae e; eḷāñne ḷañ ko reḷḷap rej erom aṃ rikejdet; im aolep men ko kar ejouj nān pinej iaḷ eo, men kein renaaj kar leḷok an jeḷā im naaj kar emṃan eo an.²⁰ Rilomṃor eaar kōjemḷok kōmeḷeḷe eo An kōn ba bwe raan ko an Joseph kar jeḷā kaki, im iiō ko an jamin naaj lōn; kōn menin ej aikuj jab mijak, bwe Anij enaaj kar pād ippān nān indeeo im indeeo.²¹

Jet apañ ko rej waļok jān anemkwoj eo an ro jet. Anemkwoj ej aorōk ñan eddōk ļok im emṡan ļok an juon ilo jetōb. Jerbal nana ej juon mōttan anemkwoj. Kiaptin Moronai eaar kōmeļeļeik lukkun katak in aorōk: “Bwe Irooj ej kōtļok ro re wānōk bwe ren ṡan er bwe an jimwe im ekajet ren maroñ itok ioon ri jerawiwi.” Eaar kalikkare bwe ro rejimwe rejjab jako bōtaab “rej deļoñļok ilo kakkije an Irooj aer Anij.”²² Eo enana naaj ṡa ruwōn kōn men ko renana ej kōmṡani.²³

Jet apañ rej itok jān jab pokake kakien ko an Anij. Jorrān ko an ājmour rej waļok jān kōbaatat, kadōk, im bōd kōjermal uno ko rekabwilōñlōñ. Kalbuuj ilo kalbuuj ko im jikin kalbuuj ko āinwōt tōprak in kakkure eo itok wōt jān kadōk- im uno— ko ej juon ekanooj in ļap.²⁴

Emakijkij in jepel kōnke jab ṡool ej barāinwōt ļap. Elōñ iaan mālijoñ kein im nana kein remaroñ kowaani jān pokake kakien ko an Anij.²⁵

Mijen būreejtōn eo aō ejitenbōro, Elder Marion D. Hanks (eo eaar jako ilo Okwōj eo), kar kajjitōk ippām mijenede ro ñan kakilōklōke juon ennaan ñan jumae apañ ko an mour in: “Ejjeļok iien, ejjeļok kajoor, ejjeļok jemļokin me emaroñ bōbare ak dāpij ak kōjbwebweik uwaak eo epen an juon kije an jetōb.”²⁶

Eaar kile bwe menin eaar jab ñan aolep apañ ko jej iooni bōtaab ej ṡool ilo men ko an jetōb. Ij kamolool kōn kapilōk in an ilo mour e aō.

Juon iaan un ko ñan kabūromōjṡōj kōn mej an elōñ mour ko ioon *Titanic* ej bwe eaar jab bwe ļoon in ļomqor ko. Jekdoqon ta mālijoñ ko jej jelṡai ilo mour in, Pinmuur eo an Rilomqor ej letok ļoon in ļomqor ko ñan aolep. Ñan ro me rej ļōmṡak mālijoñ ko rej jelṡai rejjab emṡan, Pinmuur eo ej kalbubuik aolep jab emṡan ko an mour in.²⁷

Apañ eo ejej uwaan ñan ro me emōj aer jako juon eo ejitōnbōro ej ñan kowaan pād wōt ioon iien ko remṡan rejako ilo mour in. Enañin aolep iien ro me emōkaj aer mej kar kwaļok aorōk in maroñ ko, itok limo ko, im tōļan ko. Kōn meļeļe eo ad ejabwe, jej liājļōļ kōn men ko me jamin tōpari im al ko me jamin al kaki. Menin kar kōmeļeļeik āinwōt mej ļok ippān al eo aṡ me ej pād wōt ilowaamṡ. Al ilo jekjek in ej juon kōkalļe ñan jab kūrṡool in aolepān likiio in jabdewōt kain. Jet iien armej raar kōmṡane kōppopo eo eaorōk bōtaab ejjeļok iien eo emṡan ñan kōmṡane ilo mour in.²⁸ Juon iaan poemṡ ko rebuñbuñ kouti, “*Poemṡ in Liājļōļ eo kar Je ilo Country Church Yard eo*, jān Thomas Gray, kejōkļokjeṡ ioon kain iien rōt kein remṡan:

Elōñ wut ko rebbōl ilo jab loi,

*Im aiboojoj eo aer jerwaane ilo āne jemaden.*²⁹

Jerwane iien eo emṃan emaroñ iook ʎok baamle, jermal, tōlan ko, jeḷā ko, ak ko jet. Aoleden men kein raar kōkaduki ilo jekjek eo an Sister Corbett. Eaar wōr al ko eaar jab al kaki im kalimṃur eaar jab kakūrṃooli ilo mour in. Bōtaab ñe jej loe kōn erreilok ko reḷḷap im alikkar an kojpeḷ eo ijellōkin jān erreilok ko ewōr joñaeer an jidik in mour in, jejeḷā kōn kar kalimṃur ko reḷḷap indeeo jān Jemed eo ej iakwe ilo karōk eo An. Āinwōt an Rijilōk Paul kar katakin, “Men ko mej ear jab loi, im lojiliñ ear jab roñjake, im re jañin deḷōñ ilo būruon armej, men ko jabdewōt Anij e ar kapojak ñan ro rej yokwe E.”³⁰ Juon eoon jān juon al emṃan ej letok kaenōmṃan, rejtak, im erreilok ealikkaar: “Im Jisōs ej roñjake emaroñ roñ al ko Ijjab maroñ al kaki.”³¹

Rilomṃor eo eaar ba bwe jej aikuj kōtḷok bwe būruwōd en aenōmṃan im ikōn wōt im jeḷā bwe E ej Anij.³² Ewōr ippād kalimṃur eo An bwe ippān ajri ro nejid jenaaj al al ko an lañlōn indeeo.³³ Ilo etan Jisōs Kraist, ad Rilomṃor, amen.

Kakememej ko

1.

Lale Jon 16:33.

2.

Lale Mosaia 18:8–9; lale barāinwōt 2 Nipai 32:7.

3.

Lale Boyd K. Packer, “The Play and the Plan” (Church Educational System fireside eo ñan rūmṃan ded ro, Māe 7, 1995), 3: “Ilo mour in, jej āinwōt juon eo ej deḷoñe juon tiieta āinwōt katiin ej waḷōñlok ilo maḷkūtḷkūt eo kein karuo. Jaar ruṃwiji maḷkūtḷkūt 1 er aolep rej mour ṃōñōñō ālkin wōt’ ejjab jeje ilo maḷkūtḷkūt eo kein karuo. Lain ko rej iokḷok maḷkūtḷkūt 3 ñe naan ko rej jembali im aolep men rej pād ilo jimwe.” Lale barāinwōt Neal A. Maxwell, *All These Things Shall Give Thee Experience* (1979), 37: “Anij ... ej lo jinoim im jemḷokin. ... Eo joñan ... ej men ko jejab maroñ meḷeḷe ilo mour in. Jejab maroñ kōmṃan joñjoñ kōnke ejjab ewōr aolep bōnbōn ko ippād. Ejjabwe joñjoñ in iien im rej jermal ilo rājet eo epān an menin kein karuo.”

4.

Ro raar mej ṃoktaḷok jān iiō in jeḷā emṃan im nana rej lomṃoren ilo laḷ eo an celestial (lale Doctrine and Covenants 137:10). Ro raar mej ilo jab jeḷā kōn kojpeḷ in im naaj bōk e eḷañne iien emṃan ñan bōke naaj barāinwōt jolete celetial kingdom (lale Doctrine and Covenants 137:7). Ilo

kakobaba, meñe ro raar jab mour jimwe ilo mour in naaj kōjeramṃan kōn juon mour eḷapḷok ñan mour in. (lale Doctrine and Covenants 76:89).

5.

Lale Conway B. Sonne, *A Man Named Alma: The World of Alma Sonne* (1988), 83

6.

Lale Sonne, *A Man Named Alma*, 84.

7.

Jerbal 10:34; lale barāinwōt “The Sinking of the World’s Greatest Liner,” *Millennial Star*, Epr. 18, 1912, 250.

8.

Lale *Millennial Star*, Apr. 18, 1912, 250.

9.

Elder Sonne ej wulepen Elder L. Tom Perry.

10.

Lale Sonne, *A Man Named Alma*, 83.

11.

Lale Sonne, *A Man Named Alma*, 83–84; lale barāinwōt “From the Mission Field,” *Millennial Star*, Epr. 18, 1912, 254: “Ro kōtḷok im ro kar emṃakūt.—Erkein etan mijenede ro kar kōtḷok er ilo utiej im kar jerak ñan jokie ilo Eprōḷ 13th, 1912, ioon wa eo etan *Mauretania*. Jān Great Britain—Alma Sonne, George B. Chambers, Willard Richards, John R. Sayer, F. A. [Fred] Dahle. Jān the Netherlands—L. J. Shurtliff.”

12.

Lale Jenesis 44: 30–31,41.

13.

Ilo Frank Millward, “Eight Elders Missed Voyage on Titanic,” *Deseret News*, Juḷae 24, 2008M6.

14.

Lale “Friend to Fried,” *Friend*, Maj. 1977, 39.

15.

Lale David A. Bednar, “The Tender Mercies of the Lord,” *Liahona* and , Māe 2005, 99–102.

16.

Lale Doctrine and Covenants 59:21.

17.

Lale Alma 36:30.

18.

Doctrine and Covenants 42:44.

19.

Intōrpiu eo ippān ļaddik eo jibūn Irene Corbett Donald M. Corbett, Okt. 30, 2010, jān Gary H. Cook.

20.

Doctrine and Covenants 122:7.

21.

Doctrine and Covenants 122:9.

22.

Alma 60:13

23.

Rilqmoqr eaar kalikar bwe “ļōkatip ko renaaj waļok: a wo nān eo rej itok kōn e!” (Luk 17:1).

24.

Section 89 ilo Doctrine and Covenants “karōk im ankilaan Anij ilo lōmōqoren aolep ro rekwojarjar ilo raan ko āliktata kōlaplōk kōjeramṃan ko an Armej ro Rekwojarjar ilo Raan-ko Āliktata (eoon 2)

25.

Lale Doctrine and Covenants 42:22–24.

26.

Lale “Will,” *Poetical Works of Ella Wheeler Wilcox* (1917), 129.

27.

Lale ““The Atonement,” *Preach My Gospel: A Guide to Missionary Service* (2004), 51–52.

28.

Lale “Al eo me Ij tin Al kake, “ ilo *The Completed Poems of Rabrindranath Tagore’s Gitanjali*, ed. S.K. Pual (2006), 64: “ Al eo me Ij tin al kake ej pad wōt ilo kar jab al kake nān rainin. / Iaar joḷok raan ko aō ilo lukōj im mijaḷ kein kōjañjañ eo aō .”

29.

Thomas Gray, “Elegy Written in a Country Church-Yard,” in *The New Oxford Book of English Verse*, ed. Christopher Ricks (1999), 279.

30.

1 Korint 2:9.

31.

“There Is Sunshine in My Soul Today,” *Hymns*, no. 227.

32.

Doctrine and Covenants 101:16; lale barāinwōt Sam Ko 46:10.

33.

Doctrine and Covenants 101:18; lale barāinwōt Doctrine and Covenants 45:71.